

Sarajevo, 01-07-2020

Broj:

01-11-3-29129

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-28800 od 30.06.2020. godine, Generalna direktorica donosi:

### **ODLUKU**

#### **o izboru najpovoljnijeg ponuđača**

#### **za nabavku rezervnih dijelova/usluga/servisa za preventivno i interventno servisiranje aparata/sistema proizvođača MAQUET koji se koriste na klinikama KCUS-a**

#### **I**

Prihvata se prijedlog Komisije za javnu nabavku rezervnih dijelova/usluga servisa za preventivno i interventno servisiranje aparata/sistema proizvođača MAQUET koji se koriste na klinikama KCUS-a, po Izvještaju br. 10-33-4-28800 od 30.06.2020. godine i **okvirni sporazum za sukcesivnu nabavku prema potrebama ugovornog organa u toku 12 mjeseci se dodjeljuje dobavljaču PROMA d.o.o. Sarajevo**, pod uslovima dogovorenim/usaglašenim u toku pregovaračkog postupka sa objavom obavještenja br. 893-3-1-289-3-125/20 od 21.04.2020.godine i po konačnoj ponudi: 10-11-3-24846 od 05.06.2020. godine, kako slijedi:

- Cijena norma sata iznosi 84,00 KM bez PDV-a.
- Cijena rezervnih dijelova/potrošnih materijala/kitova prema specifikaciji-cjenovniku iz konačne ponude koja je sastavni dio ovog okvirnog sporazuma;
- Isporuka rezervnih dijelova će se vršiti sukcesivno prema potrebama Ugovornog organa u periodu od 12 mjeseci.
- Rok isporuke rezervnih dijelova je 15 dana po dostavljanju narudžbenice.
- Uslovi plaćanja: plaćanje u roku od 60 dana od dana isporuke,montaže, puštanja u rad i ispostavljanja fakture
- Troškovi defektaže za vrijeme trajanja ugovora su besplatni.
- Vrijeme odziva na intervenciju maksimalno 48 h od momenta prijema/upućivanja službenog poziva/zahtjeva.
- Garancija na rezervne dijelove je 180 dana od dana ugradnje.

Sve cijene su izražene u KM bez PDV-a i podrazumjevaju isporuku krajnjem korisniku putem skladišta ugovornog organa, a po zahtjevu krajnjeg korisnika (KCUS-a) i nepromjenjive su za cijeli ugovoreni period.

Ukupna vrijednost okvirnog sporazuma u trajanju od 12 mjeseci je maksimalno 80.000,00 KM bez PDV-a.

#### **II**

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku u postupku javne nabavke.

### **O B R A Z L O Ž E N J E**

Na osnovu Odluke br. 01-11-3-17543 od 14.04.2020. godine KCUS je pokrenuo postupak javne nabavke rezervnih dijelova/usluga servisa za preventivno i interventno servisiranje aparata/sistema proizvođača MAQUET koji se koriste na klinikama KCUS-a, putem pregovaračkog postupka sa objavom obavještenja u skladu sa članom 20. i članom 27. ZJN BiH (Sl. Glasnik 39/14). Procijenjena vrijednost nabavke je 80.000,00 KM bez PDV-a. Nabavka je planirana privremenim Planom javnih nabavki KCUS-a za 2020.godinu, pod klasifikacijom robe, redni broj 36. (Odluka o usvajanju privremenog Plana javnih nabavki Kliničkog centra Univerziteta u Sarajevu za 2020. godinu, broj 478/20 protokol 02-01-5014/20).

Poziv za pregovarački postupak sa objavom obavještenja za I fazu (predkvalifikacije) objavljen je na portalu e-nabavke pod brojem 893-3-1-289-3-125/20 dana 21.04.2020. godine i isti je preuzelo 5 (pet) potencijalnih ponuđača. Do krajnje roka određenog za prijem ponuda 10,30 sati, dana 08.05.2020 godine, dostavljena je jedna (1) ponuda ponuđača PROMA d.o.o. Sarajevo (10-11-3-20258 od 05.05.2020. godine).

Komisija imenovana Odlukom broj: 01-04-4-19818 od 30.04.2020 god. pristupila je provjeri dokumentacije dostavljene uz ponudu za I fazu (predkvalifikacije) i konstatovala da je dostavljena ponuda formalno pravno i tehnički ispravna i da se uzima u dalje razmatranje.

Nadalje, na osnovu Prijedloga Komisije i zapisnika za I fazu (predkvalifikacija) u sistem e-nabavke unešeni su podaci da ponuđač PROMA d.o.o. Sarajevo ispunjava uslove predkvalifikacija i u skladu sa navedenim dana 13.05.2020.godine objavljen je poziv ponuđaču PROMA d.o.o. Sarajevo za dostavljanje ponude za II fazu pregovaranja (Inicijalna ponuda) . U skladu sa Pozivom za dostavljanje inicijalne ponude ponuđač PROMA d.o.o. Sarajevo je dana 19.05.2020.godine na glavni Protokol KCUS-a dostavio ponudu. Komisija je konstatovala da su dostavljeni svi elementi ponude u skladu sa pozivom i da se može pristupiti pregovaranju. Zapisnik sa pregovora br. 10-33-4-21371 od 19.05.2020.godine je sastavni dio Izvještaja Komisije.

Na osnovu usaglašenih stavova kroz sistem e-nabavke upućen je poziv za dostavljanje Konačne ponude dana 02.06.2020.godine. Ponuđač je u datom vremenskom roku na glavni Protokol KCUS-a dostavio konačnu ponudu koja je protokolirana pod br. 10-11-3-24846 od 05.06.2020.godine.

Izvještajem br. 10-33-4-28800 od 30.06.2020. godine Komisija predlaže da se Okvirni sporazum za nabavku rezervnih dijelova/usluga servisa za preventivno i interventno servisiranje aparata/sistema proizvođača MAQUET koji se koriste na klinikama KCUS-a, dodijeli ponuđaču PROMA d.o.o. Sarajevo pod uslovima dogovorenim/usaglašenim u toku pregovaračkog postupka i po konačnoj ponudi koja je sastavni dio okvirnog sporazuma.

Uzimajući u obzir naprijed navedeno, donosi se odluka kao u dispozitivu.

  
GENERALNA DIREKTORICA  
Prof. dr. Sebiha Izetbegović

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:  
- Ponuđaču;  
- a/a

*Stana Bajec u Koraku 7/21*